

弘

簡

錄

弘簡錄卷之二十八

明刑部員外郎仁和弘齋邵經邦學

皇清翰林院侍講學士四世孫遠平校閱

功臣 唐三之二

李靖

字客卿

李勣

字敬業

蘇定方

程名振

字務

侯君集

張亮

張公謹

字大素等

契苾何力

字明

黑齒常之

薛仁貴

字高

子諒

會孫平

玄孫從

李靖字藥師京兆三原人祖崇義後魏殷州刺史封永康公父

銓隋趙郡太守靖姿貌瑛偉兼富文武材略志在立功成名不

能作章句腐儒舅即韓擒虎每與論兵輒嘆以爲孫吳後一人

仕隋爲殿內直長楊素牛弘復許以王佐大業末爲馬邑丞唐

公時擊突厥靖察知有非常志自囚告變道梗而止京師已定

高祖命縛致將斬之。靖大呼曰：「公起兵爲天下除暴亂，而以私怨殺誼士乎？」祖壯其言，奈王又爲固請得釋，引入幕府。從平王世充有功，授開府儀同三司，往經略江陵。蕭銑道金州，遇盧江王瑒討蠻賊鄧世洛，不勝，爲設謀擊却之。至峽州，阻銑兵不得進。帝怒其逗留，密詔都督許紹斬之。紹惜其才，復請而免。至夔州，趙郡王與開州蠻冉肇則戰，未利。靖率兵八百破其營，設伏要險，斬之，俘馘五千。捷奏，手敕慰勞。因陳圖銑十策，詔拜行軍都總管兼攝長史軍政，一以委之。乃大閱兵將，下諸將以秋濤泛漲，請伺水平。靖曰：「兵事以速爲神，今士始集，銑不及知，度我猝未能下，漫不設備，乘其懈怠，疾速傳城，此必禽也。」孝恭從之。九月，舟師叩夔，發銑將文士弘屯清江。孝恭欲擊之，靖謂士弘健將，下多勇士，矧新失荊門，圖救其敗，恐未可當。宜駐南岸待其

氣衰乃可擊。孝恭不聽。往戰。果敗。賊方委舟散掠。靖乘其負重。縱兵奮擊。溺死者萬餘。獲戰艦四百。卽率輕兵五千爲先鋒。趨江陵。薄城而營。破其將楊君茂。鄭文秀。俘甲士四千。孝恭軍繼進。銳大懼。檄名江南兵不及。遂降。靖入據其城。號令嚴肅。秋毫無犯。或請籍將帥拒戰者家貲以賞軍。靖曰。王者之兵。義存吊伐。彼各爲主而來。不容比之叛逆。矧今新定。荆郢宜示寬大。以慰衆心。若降而籍之。恐自茲以南。堅城劇屯。陂之死守。非計之善也。江漢列城聞之。爭下。以功授上柱國。封永康縣公。檢校荊州刺史。許承制除拜。復虔嶺至桂州分道招撫。馮盎。李光度。竄真長等皆遣子弟來歸。各補以官。得郡凡九十六。戶六十餘萬。南方悉定。詔書勞勉。授嶺南撫慰大使。兼桂州總管。以嶺海陋遠。久不見德。非震威武。示禮義。無以變其風。卽率兵南巡。所過

問疾苦延見長老宣布上恩遠近懽服俄輔公祐反命副孝恭
東討召入朝受以方略節制李勣等七總管兵師次歸州公祐
將馮惠亮率舟師三萬屯當塗陳正通步騎二萬屯青林自梁
山連鎖以斷江道築郿月城延袤十餘里爲犄角諸將議者咸
曰彼勁兵連柵將不戰疲老我師若直取丹陽空其巢穴惠亮
等自降靖曰不然二軍雖精而公祐所自將亦銳旣保石頭卒
未易拔我留不得志退有所忌腹背蒙患非萬全計且二將非
怯野聞特公祐計令持重若出不意挑而攻之必破惠亮拔公
祐爲次孝恭聽之靖率黃君漢等水陸苦戰殺傷萬餘人惠亮
等亡去靖將輕兵直至丹陽公祐果懼其衆尚多皆不戰出走
擒之江南平置東南道行臺拜爲行臺兵部尚書賜物千段奴
婢百口馬百匹行臺廢改揚州大都督府長史連惟兵寇百姓

凋弊頗以鎮撫吳楚復安突厥寇太原又爲行軍總管以江淮
兵萬人屯太谷遇諸將不利獨完軍以歸權安州大都督太宗
踐祚歷兵刑二部尚書賜實封四百戶兼檢校中書令帝以突
厥諸部離畔方圖進取復拜代州道行軍總管率勁騎三千由
馬邑趨惡陽嶺頡利可汗大驚曰兵不傾國來靖敢提孤軍至
此靖又縱諜者離其腹心夜襲定襄破之可汗脫身遁論功在
李陵之右進封代國公賜綠帛名馬寶器自是頡利大懼走保
鐵山遣使者謝罪因請舉國內附復拜定襄道總管往迎之頡
利尚懷猶豫又遣唐儉安脩仁慰撫靖知其意與副將張公謹
謀乘詔使到彼敵必寬慰疾驅萬騎齎二十口糧自白道襲之
至陰山俘其驍將皆以隨軍頡利見使者大悅不虞官兵至逼
牙帳十五里始覺頡利先走部衆驚潰俘斬十餘萬擒其子歷

維施并殺義成公。拓地自陰山北至大漠。帝以曩昔稱臣足
雪其恥。因赦天下。賜民酺五日。溫彥博。害其功効。以持軍無律。
賊中珍寶散于亂兵之手。復名讓貴。請不辯。惟頓首謝。帝徐曰。
隋將史萬歲破達頭可汗。不賞而誅。至今恨之。朕惟錄功赦罪。
乃進左光祿大夫。賜絹千匹。增戶至五百。旣而帝悟其讒。加賜
帛千匹。遷尚書左僕射。兼畿內道大使。巡察風俗。會足疾乞骸。
帝賞其知止。遣岑文本論旨。特欲成其美命。以特進就第。賜物
段乘馬。其祿賜國官僚佐。皆如故。伺少間。三日一至中書。平章
政事。賜以靈帶杖。頃之。吐谷渾寇邊。靖見房玄齡。請往禦之。帝
喜。卽拜西海道行軍大總管。屬以任城王道宗。侯君集。李大亮。
李道彥。高甌生。五總管。兵次伏侯。城會敵已火其野。退保大非
川。諸將議馬餓不可戰。靖決策深入。遂踰積石山。大戰數十多。

所殘殺其衆殺可汗來降更立太寧王慕容順而還旼生軍山
鹽澤道後期被簿責歸而憾恨與廣州長史唐奉義告靖謀反
有司按驗無狀坐以誣論靖乃闔門自守謝絕賓親改封衛國
公開府儀同三司圖像凌烟素性沉厚每與時宰叅議恂恂似
不能言及病甚帝臨幸以生平故人兼賤勞勩爲之流涕遂薨
年七十九贈司徒并州都督陪葬昭陵諡曰景武詔墳制如衛
霍故事築闕象鐵山積石以旌其功子德審嗣官至將作少匠

兄端字藥王襲靖永康公梓州刺史坊客師右武衛將軍累
戰功封丹陽郡公永徽初致仕性好馳獵善騎射四時不休雖
老不衰自京城南屬山西際澧水每出烏鵲皆從之翔噪卒年
九十贈幽州都督孫令雅爲臨淄王愛舊卽位以協贊勞
遷殿中少監預誅竇懷貞封宋國公實封戶五百進散騎常侍

如尚食事恩待甚渥未嘗干政率以遊畋自娛厚奉養侈飲食
後坐子累貶撫州別駕卒 五代孫彥芳太和中爲鳳翔司錄
叅軍上其家故物有先朝詔書數函皆太宗手墨文宗寶惜不
能釋手權德輿讀之仰見當時君臣之際爲之流涕勅模本還
賜又有佩筆尚堪書寫金裝木匣製作精巧所賜于闐玉帶十
三勝七方六刃勝各附環飾以金所以佩物又有火鑑大觴算
囊等物悉留禁中賜以來帛衣靴酬之

李勣字懋功曹州離狐人客居渭南本姓徐名世勣父蓋家富
於財多僮僕積聚喜施貸無間親疎值隋末亂勣年十七往從
韋城人翟讓聚衆行劫說以此地鄉壤不宜自殘惟宋鄭南
之會舟車相屬往還取之可以自資讓然之兵衆大振既而
王伯當共推李密爲主以奇計破世充兵密署以右武侯大將

軍封東海郡公時河南山東大水死者日數萬勸說密取黎陽
粟以募兵密分麾下兵五千使與郝孝德等由原武濟河襲黎
陽卽日尅之開倉縱食旬日得勝兵二十萬宇文化及來攻勸
圍城掘塹自固由塹中地道出闕化及引去武德二年密歸朝
土地未有所屬勸謂長史郭孝恪此皆魏公所有若自獻之是
利王之敗吾所羞爲乃錄郡縣軍民戶口名數啓密轉請自上
帝聞嘆以爲真純臣也卽授黎州總管上柱國封萊國公賜以
國姓附屬籍尋改封曹國公給田五十頃甲第一區父封舒國
公授散騎常侍陵州刺史令勸總河南山東兵以拒世充密後
被誅復爲制服請收葬從之俄陷寶建德質其父使復守黎陽
三年自拔來歸從秦王伐東都略地至虎牢降鄭州司兵沈悅
及僞刺史荆王行本又從平建德世充振旅還京獻俘太廟特

服金甲乘戎輅亞於秦王以寵異之蓋亦自洺州來歸詔復官
爵勛又從破劉黑闥徐圓朗遷左監門大將軍圓朗復反援河
南大總管討平之復助趙郡王討輔公祏渡淮拔壽陽攻其江
西賊壘縱騎追及斬于武康江南平授行軍總管使擊突厥于
太谷走之太宗踐祚拜并州都督貞觀三年爲通漠道行軍總
管出雲中敗頡利可汗與李靖合議頡利雖敗其衆尚多若走
度磧保于九姓必不可得不若約齊薄之二將意決勒兵屯于
磧口頡利欲走不得度其大酋率部落盡降于勣南五萬餘口
而還詔授光祿大夫行并州大都督府長史徙封英國公父喪
起復治并十六年令行禁止以威肅聞上美其賢于長城名爲
兵部尚書未至會薛延陀于大慶設南侵李思摩掘朔方道行
軍總管將騎六千擊之追至青山斬名王一俘口五萬以功封

一子爲縣公晉王爲皇太子授詹事兼左衛率俄同中書門下三品將征高麗以爲遼東道行軍大總管破蓋牟遼東白崖等城從戰駐蹕山功多復封一子爲郡公延陀部落擾亂詔將二萬騎破于烏德鞬山降其首領梯真達干可汗咄摩支遁入荒谷積北遂定轉太常卿嘗暴疾醫用鬚灰和藥可瘥帝乃自剪以賜及愈入謝頓首流血帝曰吾爲社稷計非爲卿也後留宴顧曰朕思託以幼孤無易公者公往不背李密豈負朕哉勛感涕醫指自誓帝寢疾思太子於勛無恩令以事出之死後卽除僕射彼必致死力於爾乃授鄴州都督勛拜命卽行高宗立召授開府儀同三司同中書門下叅掌機密未幾拜左僕射永徽元年辭解僕射以儀同知政四年間授司空先朝已畫像凌烟帝復命繪圖自爲序會欲立武昭儀密訪勛答曰此陛下家事

無須問外人帝意遂定卽令奉間立武氏爲皇后東封爲大禮
使嘗墜馬傷足帝以所乘馬賜之高麗莫離支男產遣子乞師
詔爲遼東道行軍大總管率兵二萬往討圍平壤城尅之執高
藏男建等裂其地郡縣之俘還便道獻于昭陵明先帝意入京
具軍容告廟進位太子太師增食邑千一百戶卒年七十六帝
舉哀光順門輟朝七日贈太尉揚州大都督諡貞武陪葬昭陵
起塚象陰鐵烏德韃山以旌戰功葬日帝與皇太子幸未央古
城哭送百官皆從光宅元年配享高宗廟庭生平素能知人初
拔黎陽魏徵高季輔杜正倫郭孝恪往客及平虎牢獲戴胄咸
引見臥內推禮之平洛陽表故人單雄信材武請納官爵以贖
其死沒後收養其子其用兵多任籌算臨敵應變動合事機與
人謀議洞鑒臧否但有片善俯首聽從事成必推其功性廉慎

不營產業遇戰勝所得金帛皆散之將士持法又嚴以是人爲
効死及沒士皆流涕事親以孝閭門肅然姊早寡有疾自爲煮
粥火燎其髮皇后從封泰山幸勸舊閭親自臨問賜姊衣服封
爲東平郡君弟弼特存友愛始任晉州刺史勸病名爲司衛
卿省視將終置酒爲別列子孫于前語曰我見房杜并高季輔
生平辛苦僅能立門戶遭不肖子敗之自後汝可慎察但有子
孫操行不倫結交非類者急撈殺然後聞又深戒厚葬病時不
許名醫服藥咸遵其言季弟感年十五有奇操初陷世充令
作書名勸對曰兄尚節操決不因昆弟一言改圖拒絕之世充
怒遂見殺子震嗣爵終桂州刺史孫敬業少從征伐有勇
名歷太僕少卿襲爵爲眉州刺史嗣聖元年坐賊貶柳州司馬
會給事中唐之奇貶括倉令詹事府司直杜求仁貶黔令長安

簡駱賓王貶臨海丞弟懿屋令敬猷亦坐事免俱客揚州失職
怏怏忿諸武擅命中容見幽唐子孫悉被誅戮乘天下怨怒乃
謀起兵先諭其黨監察御史薛璋求使江都及至令雍人韋超
告揚州長史陳敬之友璋收繫于獄矯制殺之敬業自稱州司
馬奉密詔募兵討高州叛酋卽開府庫令叅軍李宗臣釋繫囚
役工徒數百人授以甲錄事叅軍孫處行不從斬以徇衆狀類
太子賢者奉之詭衆曰賢實不死遂據揚州開三府一匡復二
英公三揚州大都督自領匡復府上將充揚州大都督以之奇
求仁爲左右長史宗臣璋左右司馬賓王爲藝文令江都令韋
知止爲英公府長史前蓋屋尉魏思溫爲軍師旬日得兵十餘
萬傳檄州縣疏武氏過惡復廬陵王天子位楚州司馬李崇福
率所部山陽安宜鹽城三縣應之盱眙令劉行舉嬰城不肯從

敬業攻之。天后拜行舉游擊將軍。擢其弟行實楚州刺史。遣李
孝逸將兵三十萬往擊之。削其祖父官爵。毀塚藏除屬籍。赦楊
楚民脅從者。購得其首。授官三品。賞帛五千。得之奇等。首官五
品。帛五千。初。敬業問計思溫。勸以身自將。兵直趨洛陽。燕趙韓
魏附者必衆。天下指日可定。璋曰。不然。金陵負江據險。足以自
固。且王氣尚在。宜先并常潤。爲霸基。然後鼓行而北。思溫曰。鄭
汴徐毫士皆豪傑。不願后居上位。蒸麥爲飯。以待我師。奈何欲
守金陵。投死地乎。敬業不從。使敬猷屯淮陰。韋超屯都梁山。自
引兵擊下潤州。署宗臣爲刺史。時叔思文守潤。嬰城不下。城陷。
責以廬陵無罪。見廢。今兵以義動。爾何過拒耶。諸將欲刃之。敬
業不許。回屯高郵。下阿谿。思溫嘆曰。兵忌分。今不掃地渡淮。率
山東士先襲東都。而分兵自保。吾知其無能爲也。孝逸前鋒成。

三朗爲之奇所殺后又命黑齒常之將江南兵援孝逸進擊淮陰都梁兵皆敗後軍總管蘇孝祥率奇兵五千夜擊敬業亦死兵溺者過半孝逸軍退守石梁有羣鳥噪敬業營上監軍御史魏真宰知其必敗固請度谿擊之敬業陣久士疲皆頽望不正列孝逸乘風縱火逼之敬業勢却麾其精兵居前弱在後陣亂不能制乃敗斬七千餘級敬業輕騎遁江都悉焚其圖籍携妻子奔潤州將逃高麗抵海陵阻風僞將王那相斬之與敬猷之奇求仁凡二十五首悉傳東郡詔夷其家惟思文得免賜姓武氏歷春官尚書旋復徐氏卒子欽憲開元中仕至國子祭酒中宗反正還勸官封屬籍葺先塋冢

蘇定方名烈以字行冀州武邑人後徙始平自少驍悍多力膽氣絕倫從父邕當隋季率郡人數千討賊數先登陷陣父卒郡

守令代領其衆破劇賊張金稱楊公卿追北數十里賊不敢窺鄉黨賴之貞觀初任匡道府折衝爲李靖先鋒襲頡利於磧口乘霧而行去牙帳十里許忽霹驤殺數十百人頡利及隋公主惶窘遁去論功授左武侯中郎將永徽中拜右屯衛將軍封陪清縣公從大總管程知節征賀魯至鷹娑川賀魯率騎來拒總管蘇海政連戰未決鼠尼施等復引騎爲援定方率精騎五百馳擣賊營衆大潰殺千餘人棄鎧仗牛馬不計副總管王文度疾其功謬白知節收軍不令深入定方說知節曰本來討賊今反自守何功之立且公爲大將不專圖外之事顧副將乃得專之胡不因文度待天子命不從至怛篤城有降者文度復殺而取其貲定方一無所取悲曰此乃自作賊耳師還太宗悉知下知節等于獄文度當死貸爲庶人擢定方伊麗道行軍大總管

副以任雅相回紇婆潤復征賀魯出金山北先擊處木昆部破之撫降俟斤懶獨祿萬餘帳發其千騎并回紇萬人進至曳咥河賀魯率十姓兵十萬拒戰輕其兵少舒左右翼包之定方令步卒據高原揜稍外向親引勁騎陣北原賊三突陣不能入反乘敵亂擊之鏖戰三十里斬首數萬級賊遂大奔明日振兵復進十姓部落五弩失畢舉衆降賀魯獨與處木昆屈律啜數百騎西走復令副將蕭嗣業婆潤率雜部兵追北而已與雅相領新附兵絕其後進至雙河合彌射步真距賀魯牙百里陣而行薄金牙山大破其衆數萬賀魯走石國嗣業與彌射于元爽縛之以還自是西蕃悉定乃脩亭障列蹊隧定疆畛問疾收斂有唐州縣極于西海高宗臨軒受俘策功拜左驍衛大將軍改封那國公別封于慶節武邑縣公俄有思結闕俟斤都曼劫所部

葱嶺以西三國復叛詔選爲安撫大使選精騎三千襲之晝夜馳三百里都曼不虞其至遂大敗進攻其城而縛請降獻俘乾陽殿帝宥之加食邢州鉅鹿三百戶遷左武衛大將軍顯慶五年復爲神丘道大總管率師討百濟自城山濟海至熊津口賊瀕江屯兵定方出其左涯倚山而陣敗賊數千復引舟師乘潮而上直趨真都城賊傾國來拒殺掠萬人乘勝入其郭王義慈及太子隆北走方闊內城庶子泰自立爲王率衆固守嫡孫文思爭立定方便士登城建唐旗幟泰懼閉門請命其將彌植與義慈皆來降諸城聞之亦送款百濟平又俘獻東都凡滅三國皆生執其王賞賚珍寶不可勝計加慶節尚輦奉御未幾又擢遼東道行軍大總管破高麗衆於沮江奪馬邑山爲營遂爲平壤還拜涼州安集大使卒年七十六贈左驍衛大將軍幽州都

晉書曰莊

程名振洛州平息人隋末仕竇建德爲普樂令有能名盜不敢
犯棄歸高祖通授承寧令使率兵經略河北卽夜襲鄴縣俘其
男女千餘閹婦人方乳者悉還之鄴人感其仁建德敗始之在
俄而劉黑闥陷洛州母潘氏妻李氏皆爲所得名振方率衆掠
冀貝滄瀛等州邀黑闥糧道悉毀水陸餉具黑闥怒殺其母妻
及平請于黑闥以首祭母諭功拜營州長史封東平郡公賜
黃金物段轉洛州刺史會仁遠東名問方略辭辨縱橫太宗以
爲奇士卽拜右驍衛將軍平壤道行軍總管前後攻沙卑城破
獨山陣皆以少擊衆號爲名將永徽六年遷營州都督兼東裔
都護又擊高麗兵於貴端水焚其新城殺獲甚衆後歷晉蒲二
州刺史鏤方道總管卒贈右衛大將軍諡曰烈子務挺少從

父征討以勇力聞拜右領軍衛中郎將破突厥六萬騎於雲州
領豐州都督永隆中阿史那伏念叛總管李文暕等三將奔敗
詔副裴行儉討之時伏念屯金牙山務挺與副總管唐玄表引
兵赴之伏念懼由間道降於行儉功遷務挺右武衛將軍封平
原郡公永淳二年綏州部落稽白鐵余據城平縣叛建偽號署
百官進攻綏德殺官吏火區舍詔與都督王方翼討之生禽白
鐵余悉平餘黨進左驍衛大將軍權領左羽林軍嗣聖初與張
虔瓘等同受密旨率兵入殿中廢中宗立豫王爲皇帝太后臨
朝累被褒賚轉左武衛拜其子齊之尚乘奉御弟務忠太子洗
馬明年使禦突厥爲單于道安撫大使威惠大行將士川命突
厥憚之不敢犯以救裴炎下獄密表申理忤太后旨誣與徐敬
業通謀遣左鷹揚將裴紹業卽軍中斬之籍其家突厥聞之率

相慶爲立祠。每出師輒禱焉。

侯君集幽州三水人。少以材雄稱。事秦王幕府。性矯飾。好矜詡。騎射在人後。王令李靖教以兵法。從征討。有功。擢累左武侯車騎將軍。封金椒縣子。預誅隱太子。功尤多。拜左衛大將軍。封潞國公。貞觀四年。遷兵部尚書。副靖討吐谷渾。拜磧石道行軍總管。師次鄯州。議所向。君集曰。王師已至。而賊不走險。天贊我也。若以精兵掩其不備。彼不我虞。必有大利。靖然其計。簡銳士約齊深入。追及其衆於庫山。大戰破之。伏兇輕兵入磧。以蹙靖。乃兩分其衆。令君集趣南路。踰漠。哭山行。空虛之地。盛夏降霜。山多積雪。轉戰過星宿川。至于柘游頻。與敵遇。皆大尅獲。北望積玉山。觀河源所出。乃旋師。與靖會大非川。明年。拜吏部尚書。叅議朝政。加光祿大夫。大被任遇。君集奮于行伍。素無學術。方始

讀書典選。是定考課。並有時譽。無何吐蕃圍松州。授當彌道高
昌復。不臣拜。交河道皆行軍大總管。高昌去唐七千里。地磧鹵。
無水草。冬風裂肌。夏風如焚。君集次于磧口。其王麴文泰死。子
智盛襲位。嬰城固守。進營柳谷。鼓而前。遣諭不下。乃刊木塞懸。
引撞車毀其堞。飛石如雨。因拔其城。俘智盛及男女七千。將吏
數百。刻石紀功而還。到京。御史劾其配沒罪人。不以聞。又私取
珍寶。婦女不能節制。將士詭詣獄簿對。帝從岑文本諫。釋不問。
自負有功。志殊快快。會張亮外補。意亦不滿。謬爲詭說。以激動
之。約與共謀。反亮不從。密以聞。帝以二人皆功臣。獨相語無左。
驗復寢。其事待之如初。尋與諸臣同圖像。凌烟閣會。其壻賀蘭
楚石爲東宮千牛。太子承乾知君集怨望。私引入。問自安計。君
集舉手謂曰。此手當爲殿。下用之。復遣楚石語承乾。上有召丹

輕入承乾納之君集慮或謀洩心不自安每中夕驚吒妻惟問
曰公大臣何爲爾若有所負宜自歸首領可全不從及承乾事
覺乃捕下獄帝自臨問曰我不欲令刀筆吏辱公君集辭窮不
能對帝尚念有功不忍寘法欲丐其命羣臣不可帝泣下與訣
曰今而後徒見公遺像耳遂斬之籍其家臨刑丐一子以奉祀
詔併妻原之徙嶺南靖既教以兵法旣而奏靖匿其隱微不以
示宜有反謀帝以讓靖靖曰方中原無事臣之所教不過以制
四裔而乃求盡臣術此君集欲反耳後同破吐谷渾還君集馬
過靖上靖語人以必反果如其言

張亮鄆州滎陽人家微賤業農然儻有大志謀略過人外敦
厚而內詭詐人莫知其淺深初從李密畧地滎汴未甚甄譏忽
軍中有謀反者亮告之密愛其誠畧驃騎將軍隸徐世勣贊勸

以黎陽歸國授鄭州刺史阻於世充不敢入厓其城山勣與房
玄齡薦爲秦府車騎將軍漸蒙顧遇委以心務內難將起王以
洛州形勝之地遣亮統左右王保等千餘人保之陰引山東豪
傑以俟變多出金帛恣其所用元吉告其不軌屬吏無驗得釋
王卽位授懷州總管封長平郡公貞觀五年遷御史大夫轉光
祿卿進封鄴國公歷幽夏鄜三州都督七年進金紫光祿大夫
行相州大都督長史改封鄴國公在任抑豪強恤貧弱潛遣左
右伺察善惡發擿姦慝動若有神人甚稱之十四年入爲工部
尚書遷太子詹事出爲洛州都督遷刑部尚書叅預朝政伐高
麗以爲滄海道行軍大總管率舟師自東萊渡海襲沙卑城破
之俘男女數千口進兵建安城下賊衆奄至驚懼無策副總管
張金樹等鳴鼓令衆擊賊破之上不之責前妻生于慎微被棄

更娶李氏生慎幾驕淫干政畜義兒五百好左道所至巫覡盈門亮復信方術程公穎公孫常陰召問相州形勝之地人言不出數年有王者起二人探知異志詭言姓應圖識身似龍形必有非常陝人常德玄告之太宗盛怒處斬籍沒其家

張公謹字弘慎魏州繁水人初爲王世充洺州長史武德元年與刺史崔樞挈城歸附授鄒州別駕遷右武侯長史未知名李勣與敬德數啓秦王引之入府王以隱刺搆亂數問自安之策所對合旨漸見親遇及將討亂預卜龜公謹適自外至投龜于地曰凡卜以決疑今事無疑何卜之有不吉其容已乎王曰嘗密以六月四日與無忌等九人伏于玄武門其徒來攻勢甚洶湧公謹有舅力獨閉關拒之論功授左武侯將軍封定遠郡公貞觀初爲代州都督置屯田以省餽運又數言時政多

所采納後副李靖經略突厥言其主昏於上衆叛於下兵挫將
敗粟糧乏絕大軍臨之內必生變王師一出當有應者所上凡
六條帝然其謀及兵出果破定襄敗頡利璽書慰勞進封鄒國
公改襄州都督以惠政聞卒于官年三十九將出次發哀有司
奏日在辰不可帝曰君臣猶父子情感於內安有所避竟哭之
詔贈驍衛大將軍諡曰襄國形凌烟追改鄒國公永徽中加贈
荊州都督 長子大象嗣官至戶部侍郎 次子大素大安並
知名太素龍朔中歷東臺舍人兼脩國史著後魏書百卷隋書
三十卷終懷州長史魏書天文志未成從子一行續而成之大
安上元中歷太子左庶子同中書門下三品預章懷太子註范
曄漢書太子廢貶普州刺史終橫州司馬 孫恂仕玄宗時爲
集賢院判官累擢知圖書括訪異書使進國子司業

契苾何力其先見回紇別部父葛早亡何力方九歲隨其母詣沙州內屬至京擢左領軍將軍貞觀中從討吐谷渾於赤水川薛萬均兄弟率騎先進爲賊所包中剝下馬步鬪士死十七八何力馳壯騎冒圍奮擊賊披靡遂脫謀知其主伏先在突渝川謀襲之萬均懲前敗不可何力度賊無城郭常烏驚魚駭若不乘之何由立功乃選精騎千餘直搗其牙俘酋妻子斬首數千級獲橐駝馬牛羊二十餘萬伏允僅免詔書褒勞萬均恥居其下排毀何力自稱已功復不勝憤挺刀將殺之諸將勸止及還帝責問具言萬均敗狀帝怒將解其官以授何力頓首辭謝恐聞者謂陛下重獎輕漢乃止尋令宿衛北門檢校屯營事尚臨洮縣主從討高昌拜葱山道副總管平日其母始臧夫人弟沙門尚在涼州爲賀蘭都督得往省視兼巡撫部落時薛延陀強

盛欲降何力。何力素感上待遇之厚。決不肯行。衆執之以見延陀。何力箕踞拔佩刀東向以叩已志。割截左耳自誓。不屈。延陀怒欲殺之。妻固諫而止。或譏于帝。以爲心樂故。土帝不信。曰。此人心如鐵石。殆不背我。會使至言狀。帝泣下。卽詔兵部侍郎崔敦禮持節許延陀。尚主。因求何力。乃得。還授左驍衛大將軍。後公主將行。復諫不可。帝謂天子無戲言。何力曰。禮有親迎。宜詔延陀身到京師。或詣靈武。彼畏懼必不來。如不得成。加之憂問。下必携貳。素性很戾。其勢必死死。則二子爭國。內判外携。不亡何待。帝然之。果皆中其計。延陀恚憤而死。少子拔酌殺其庶兄突利。失自立。國中大亂。征高麗。詔爲前軍總管。次白崖城中。稍創甚。帝親爲傳藥。城拔得刺之者。使自殺。辭以彼各爲主。捨之復討。龜茲拜崑丘道總管。獲其王及諸首領。欲身殉。

太宗葬諭止永徽中西突厥五姓叛詔爲弓月道大總管討平之擒渠帥處密時健俟斤合支賀等以歸還左驍衛大將軍封郕國公顯慶中爲涇江道行軍大總管伐高麗不尅龍朔初復拜遼東道行軍大總管率諸蕃二十五軍次鴨綠水蓋蘇文遣男生以精兵數萬拒險衆莫敢濟會冰合王師竟達賊驚潰追奔斬首三萬級餘衆降男生脫身走遂班師餞勒九姓復叛又爲安撫大使以輕騎五百馳入其部諭以朝廷知爾誑誤使賞過自新惟罪兇渠取之則已九姓大喜共擒僞葉護及特勤等二百人以歸數其罪誅之餘衆遂安未幾蓋蘇文死男生使子詣闕請降拜爲經略安撫大使副李勣同趨高麗時賊兵十五萬屯遼水引靺鞨數萬衆據南蘇城何力奮擊破之斬首萬級乘勝進拔八城引兵還與勣會合攻辱夷大行二城及扶餘平

張威拔之酋其王以狀進鎮軍大將軍行左衛大將軍徙封涼國公卒贈輔國大將軍并州大都督陪葬昭陵諡曰毅子明守若水性淳厚喜學問善辨論初授上柱國封漁陽縣公遷奉祿大夫從李敬玄征吐蕃爲柘海道經略使以功進左威衛大將軍襲封賜錦袍寶帶別物擢嫡子三品官再遷雞田道總管至烏德鞬山誘附二萬帳武后賜妻及母臨洮縣主皆姓武終於左鷹揚衛大將軍年四十六贈涼州刺史諡曰靖子聿襲爵黑齒常之百濟西郡人長七尺餘驍毅有謀略爲百濟達率兼風達郡將猶唐刺史蘇定方平百濟率所部降俄而縱兵大掠降者被戮常之懼與其長十餘人遁去仍合遁亡依任存山自同不旬日歸者三萬定方攻之不克復還二百餘城龍朔中高宗遣使招諭方詣劉仁軌降授左領軍衛將軍洋州刺史儀鳳

三年從李敬立擊吐蕃會劉審禮敗敬立欲引還阻泥溝兵不得出賊屯高壓官軍常之率敢死士五百夜掩其營殺掠數百人賊首墮地設棄軍走帝賞其才擢左武衛將軍檢校左羽林軍賜金帛殊等進爲河源軍副使調露中吐蕃使贊婆等入寇屯良非川引精騎夜襲其軍斬首二千級獲羊馬數萬贊婆等單騎走卽拜經略大使建言河源當賊衝宜增兵鎮守復以運餽須廣斥地置烽七十所墾田五千頃歲收粟百餘萬斛由是食衍士精戍還有備永隆二年贊婆營青海又馳掩其屯破之悉燒糧膚獲羊馬甲冑不貲詔書勞賜凡蒞軍七年所得賞賜悉分麾下吐蕃畏憚不敢盜邊封燕國公垂拱中突厥復犯塞率兵追擊至兩井卒與賊遇騎方振甲常之聞其器突以二百騎皆棄甲去其暮復大至潛使人列炬營中賊疑救至遂夜遁

久之爲燕然道大總管與李多祚王九言等擊突厥骨咄祿元珍於黃花堆破之追奔四十里賊潰歸尋爲周興等誣與右鷹揚將軍趙懷節反捕繫詔獄殺殺死人哀其枉

薛仁貴絳州龍門人少貧業農卜葬其先妻柳氏勸曰夫有高世之材遇時乃發今天子自將征遼求猛將此難得之時君盍往取功名富貴還葬未爲晚也乃應張士貴募至安地郎將劉君邛被圍方急馳往救之斬將首係馬鞍餘衆解伏由是知名王師攻安市城莫離支遣將高延壽等率兵二十萬倚山結屯太宗命諸將分擊之仁貴恃驍悍欲立奇功乃著白衣特自標顯腰鞬兩弓大呼而馳所向披靡大軍乘之遂潰帝望見亟問白衣者誰台兒嗟異賜金帛馬上口授遊擊將軍雲泉府果毅仍令北門長上師還謂曰朕舊將皆老欲擢驍勇付閭外事

莫如卿者。朕不喜得遼東。喜得尅將。遷右領軍衛中郎將高宗。幸萬年宮。山水暴至。宿衛皆走。獨仁貴曰。當此緩急。安可懼死。登門大呼。以警宮內。帝遽出乘高。俄而水入寢殿。賴之以免。帝信其忠。賜以御馬。賀魯虐泥熟。小醜。酋其妻子。命蘇定方討之。上言師貴有名王師。若得泥熟家口。願悉還之。厚加賚遺。使人知賀魯爲暴。美陛下至德。帝從之。泥熟感德。願隨軍効死。顯慶三年。詔副程名振經略遼東。破貴端城。斬首三千級。明年與高麗大將溫沙多門戰于橫山。獨馳射所向皆應。弦仆又同梁建方戰石城。單騎突擊。生禽其將契丹。戰黑山。與辛文陵執其王阿卜固。獻東都。拜左武衛將軍。封河東縣男。又領兵副鄭仁泰擊九姓突厥于天山。將行。賜宴內殿。試以五甲射。皆洞貫。帝驚問何殊。古七札更取。堅甲賜之時。九姓紛至往挑戰。特發三矢。

殺三人自餘下馬請降慮爲後患悉坑之衆十餘萬轉就積北
安撫擒僞葉護三人以歸歌曰三箭定天山者以此自此九姓
遂衰不復患邊有司勅取所部爲妾多納賕遺以功見原乾封
初高麗泉男生內附遣將軍龐同善高侃往迎弟男建率國人
拒弗納詔仁貴率師援同善等至新城大戰斬數百級進次金
山斷敵爲二斬馘五千拔南蘇木底蒼巖三城始會男生軍手
詔勞勉乘勝提卒二千進攻扶餘城身先士卒猛氣銳進殺萬
餘人拔之旁皆相率送款遂伏四十餘城威震遼海詔與劉仁
軌鎮平壤拜右威衛大將軍封平陽郡公兼安東都護兼治新
城撫孤存老檢制盜賊隨材任職褒崇節義高麗士衆皆欣然
忘亡咸亨元年吐蕃破吐谷渾入寇邊命爲邏娑道行軍大總
管率將軍阿史那道真郭待封擊之以援吐谷渾軍次大非川

將趨烏海地險而瘴若引輜重恐失事機乃度大非嶺寬平處置二棚悉內輜重留待封屯萬兵守之約齎先行至河口遇賊破之多所殺獲進至烏海城待封營爲鄯城鎮守與相等夷及是恥居其下擅遣節度領輜重踵進爲吐蕃邀擊糧仗盡沒不得已退保大非川吐蕃益兵來戰王師大敗與蕃將論欽陵約和乃得還吐谷渾遂沒詔原其死除名爲庶人自以略知星曆時歲庚午星在降婁不應有事西方未幾高麗餘衆叛起爲鷄林道總管復坐事貶象州遇赦帝思前功名見值遼西不寧瓜州路絕拜爲瓜州長史右領軍衛將軍檢校代州都督率兵擊突厥元珍於雲州時突厥聞流象州已死乃脫兜鍪示之敵皆相顧失色下馬羅拜遁去因進擊大破之斬首萬級獲生口三萬牛馬稱是年七十卒于鎮贈左驍衛大將軍幽州都督大舉

護送還鄉 子訥字慎言起家城門郎遷藍田令嘗抑來俊臣
受富人倪氏賕發義倉粟以貸小民息會得罪不能害後突厥
擾河北詔攝左武衛將軍安東道經略使武后名對同明殿具
言醜類馮籍動以廬陵王爲詞若太子無動賊不討自解后納
之俄遷幽州都督安東都護改并州長史左衛大將軍素沉勇
寡言御軍有法開元初玄宗講武新豐詔爲左軍節度帝以諸
部頗失序唯訥與解琬軍不動令輕騎召之至軍門不得入禮
成大加慰勞明年契丹奚突厥連和數入邊建議請討詔與監
門將軍杜賓客定州刺史崔宣道帥衆二萬往檀州賓客議方
畧士負戈羸糧慮恐無功姚元崇亦持不可訥獨言夏草薦茂
羔犢方息不費餽餼振國威靈不可失也時上方欲夸威四裔
聽之授紫微黃門三品以重其行師至櫟河遇賊諸將不如約

爲所覆盡亡其軍訥脫身走詔奪官爵斬宣道及大將李恩敬
等八人獨賓客免俄而吐蕃大酋坐遠廷乞力徐等衆寇臨洮
入蘭州剽牧馬詔訥白衣攝羽林將軍爲隴右防禦使往擊戰
于武階驛與王駿角破之尾北至洮水復戰長城堡殺敵數
萬擒其酋六指鄉彌洪悉收所掠及仗械不貲命紫微舍人倪
若水卽軍拜左羽林大將軍涼州大總管赤水建康河源邊州
皆隸節度復其舊封錄于暢朝散大夫俄爲朔方行軍大總管
在邊日久其臨大敵益壯終老致仕年七十二贈太常卿諡曰
昭定 弟楚玉開元中爲范陽節度使子嵩生燕薊間氣豪邁
好蹴鞠不事達利以膂力騎射自將選祿山亂爲朝義守相州
懷恩被朝義嵩迎拜軍門懷恩釋之奏權刑部尚書相衛洛邢
等州節度使嵩謹奉職頗有治名大曆初封高平郡王實封二

百戶號其軍爲昭義遷右僕射卒贈太保追封平陽郡王詔其
弟壻知留後事累加檢校太子少師其將裴志清逐之以兵歸
承嗣壻奔洺州入朝降服待罪詔赦之命分其地任族子擇相
州雄衛州堅洺州皆刺史承嗣誘殺雄遂併其地 嵩子平字
坦塗年十二爲磁州刺史軍吏請知留務以讓于嵩奉父喪歸
任右衛將軍至左龍武大將軍宿衛三十年杜黃裳擢爲汝州
刺史治有風績會討蔡授鄭滑節度使數戰有功滑爲河害按
求故道出黎陽西南屬魏博因命其佐裴弘泰往請田弘正許
之籍民田所當者易以他地悉爲疏導自是患息入爲左金吾
大將軍未幾復帥鄭滑李師道平徙平盧軍王延奏聞牛元翼
棣州爲賊所窘遣將李叔佐往援怒刺史王稷餉薄衆潰而歸
推突將馬士端爲帥劫屯士萬人薄青州城平悉公帑家貲募

銳卒二千迎戰。以奇兵掩取輜重。賊狼顧大敗。遂降。斬亂首士
端等二十人。縱還脅從。威鎮一方。詔遷右僕射。封魏國公。在鎮
六年。兵鎧完礪。徭賦均一。寶曆初入朝。民鄆路願留數日。得出
拜檢校司空。河中絳隰節度使。復得隸晉磁二州。進司徒。更封
韓。以太子太保致仕。卒年八十。贈太傅。子從宇順之以蔭授
左清道率府兵曹參軍。累遷汾州刺史。隄文谷瀘河二水。引溉
公私田。汾人利之。徙濮州。山東大水。儲粟二萬斛以備凶災。右
司郎中趙樸爲賑卹使。表其才拙。將作監終左領軍衛上將軍。
贈工部尚書。

冊曰古稱善戰必服上刑。志投主好功。匪有名以怨報德。
曷謂除凶終啓遼師。外倣內訌。

弘簡錄卷之二十八

終

弘簡錄卷之二十九

皇清翰林院侍讀學士四世孫遠平校閱

功臣 唐三之三

郭子儀子曜希 李光弼父楷洛 子榮 弟光進 荔

白孝德 侯仁 張良等 白元光 陳利貞

李嗣業 馬璘 田神功 李抱玉 弟抱真

郭子儀華州鄭縣人父敬之歷綏渭桂壽泗五州刺史贈太保
追封祁國公子儀魁幹秀傑登武舉補左衛長史遷單于副都
護歷振遠橫塞安德軍使安北都護九原太守討祿山遷衛尉
卿兼靈武郡守充朔方節度使舉兵出單于府收靜邊軍斬賊
將周萬頃敗高秀巖於河曲進收雲中馬邑開東陁加御史大

夫靈州大都督府長史賊陷常山引軍下井陘與光弼合破思明衆數萬平蘄城南攻趙郡禽賊四千斬僞守郭獻璆還遇思明尾襲至行唐賊疲引去因反擊之勝於沙河祿山益出精兵乃趨恒陽堅壁自固書出揚兵夜襲其幕使不得息復乘其怠辛僕固懷恩渾釋之陳回元等陣於嘉山思明希德子奇咸至一戰敗之斬首四萬級獲人馬萬計思明跳走博陵自此河北十餘郡咸斬賊守迎王師方圖范陽會靈武踐位詔赴行在時方草昧賴以全師至軍聲大振興復之勢始有望焉首拜兵部尚書同中書門下平章事都督節度如故肅宗軍至彭原房琯又敗衆亡略盡惟倚朔方軍爲根本賊將阿史那從禮復誘河曲九府六邊州部落數萬迫行在與回紇首領葛羅支擊之執獲數萬河曲遂平至德二載攻潼關敗賊將崔乾祐退保蒲關

乃復攻蒲約陷賊永樂尉趙復參軍韓旻徐昊宗室子李藏鋒等爲內應斬賊守陴者納其軍乾祐奔安邑不納脫身更走子儀遂收陝郡遣子肝與安守忠戰殺萬級肝死于陣克永豐倉開陝之路始通祿山已死欲圖大舉詔還鳳翔進司空充開內河東副元帥率師趨長安次渭水東與安太清守忠等大戰清渠上王師不利委仗而奔復收潰卒保武功待罪于朝左授僕射餘如故俄從副元帥賈平王率番漢兵十五萬陣香積寺北連亘三十里與賊將李歸仁戰自午至酉斬首六萬級生擒二萬僞守張通儒棄城走陝始收京師翌日入城休士三日復引而東慶緒遣嚴莊悉衆十萬來助屯於陝西負山爲陣王師至新店賊二百騎來掩未戰而走子儀追之橫貫其營賊張兩翼包之官軍却李嗣業率回紇兵自後奮擊賊大敗嚴莊等走洛

陽再收東都以功加司徒封代國公食邑千戶入朝帝迎勞漸
上諭曰國家再造卿之力也頓首謝詔還東都經畧北討乾元
元年破賊河上執安守忠以獻入朝詔百官迎長樂驛帝御望
春樓待之進中書令大舉九節度師以李郭元功難相統攝始
用魚朝恩爲觀軍容宣慰使不立元帥王師由杏園濟河圍衛
州慶緒分其衆爲三將戰預選射士三千伏壁內誘賊薄營注
射如雨賊震駭全師奮勇斬四萬級獲鎧冑數十萬執僞鄭王
安慶和遂收衛州進趨鄴城戰于愁思岡賊又敗連營圍相州
諸節度引還獨全軍保河陽詔爲東都留守俄改東畿山南東
河南諸道行營元帥朝恩疾其功譖毀召還授邠寧鄜坊兩節
度使留京師更以趙王係爲天下兵馬元帥光弼爲副代領朔
方兵俄而思明再陷河洛蕃寇逼擾京輔朝廷旰食議者交論

有功社稷不宜殺置散地帝悟復授諸道兵馬都統令趨范陽
朝恩又阻之及光弼敗邛山又河中亂殺李國貞太原戍鄧景
山朝廷憂二軍與賊合而新將望輕不可用乃詔拜子儀朔方
河中北庭潞儀澤沁等州節度行營兼興平定國副元帥進封
汾陽郡王屯絳州將行值肅宗不豫固請曰老臣受命將死于
外恐不見帝目且不壞帝引至卧內語云河東之事一以委卿
賜御馬銀器雜綵并絹布九萬疋子儀嗚咽流涕至卽誅殺國
貞者王元振等數十人辛雲京聞之亦殺害景山者諸將皆惕
息奉法代宗立程元振忌宿將難制雖搆百計又罷副元帥加
實戶七百以爲山陵使因懼讒譖盡哀前後詔勅千餘篇上之
復自陳訴優詔公勿有疑眷禮彌重又欲使副雍王東討亦以
交訾而止久之梁崇義叛懷恩陰召回紇吐蕃寇河隴涇州入

犯奉天武功。遣开子儀關內副元帥鎮咸陽。時罷歸已久。部曲
離散。麾下纔數十騎。詔之曰。驅民馬補行隊。甫至咸陽。蕃兵
已過渭水。聞天子幸陝。流涕奔赴。中途遇射生將王獻忠。叛剗
諸王。欲奔敵。子儀讓之。取諸王送行在。乃往南。收兵得武關防
卒及六軍散亡數千。漸以復振。噉吐蕃方在京。立廣武王承宏
爲帝。署百官。遣先鋒六軍兵馬使張知節。烏崇福。羽林軍使長
孫全緒。將兵萬人營韓公堆。盛張旗幟。鳴鼓鞀夜。叢萬炬以疑
賊。又遣故將王甫結城中俠少爲內應。夜噪朱雀街。吐蕃惶駭。
夜遁。又遣大將李忠義屯苑中。渭北節度王仲昇守朝堂。子儀
大軍至潼西。射生將王撫自署京尹。城中擾亂。撫殺纔定。皆聞
命。權留守會元振。自知召亂。憚其威名。又懼皇太子不欲還京。
勸帝將都洛陽。子儀反覆論奏。二都形勢。舊史見帝覽奏涕泣曰。

子儀真社稷臣也。遂決意還京。乘輿至。迎謁謝罪。勞以用。卿遲
晚至此。加賜鐵券。圖形凌烟閣。帝患懷恩。預兵并汾。子瑒又屯
榆次。侵掠屬縣。使鎮河中。瑒遂被殺。其將張惟岳率衆來歸。懷
恩懼。走靈州。廣德二年。進太尉。兼領邠寧涇原河西朔方并吐
蕃招撫觀察使。懷恩誘吐蕃回紇黨項數十萬寇邠州。朝廷大
恐。問計安出。對曰。無能爲也。懷恩雖稱傑悍。素失士心。今誅思
歸之人。刳與俱來。然皆臣故部曲。思信素結。彼忍以兵相向乎。
帝信之。命屯奉天。先驅已至。諸將請擊。諭以客兵深入。利於速
戰。緩之當自携。瑒迫之是速其圖。勝負未可必。有敢言戰者斬。
堅壁數日。果不戰而退。自涇陽入朝。恩賫崇綵。進尚書令。以本
朝太宗任此累聖。曠員不置。帝許其辭。賜以美人六。從者八。并
車服帷帳珍玩之具。永泰元年。復命都統河南道節度行營鎮

河中懷恩盡誘吐蕃回紇党項羌渾奴刺三十萬衆掠涇邠
鳳翔入醴泉奉天京師大震帝下詔親征急召子儀回屯涇陽
軍纔萬人比到敵圍已合使李國臣高昇魏楚玉陳回光朱元
宗各當一面身率鎧騎二千出入陣中回紇怪問是誰報曰郭
令公又問天可汗安在答曰天子萬壽回紇大驚曰曩者懷恩
言天可汗棄天下令公卽世中國無主故我從以來豈知天可
汗無恙令公又在今始知其詐子儀使諭以背涉萬里助復二
京休戚與我同之今乃棄舊好助叛臣何其愚耶彼背主棄親
於汝何有回紇尚未信願得親見左右皆諫回紇野心難信子
儀不聽自度彼衆十倍朝廷力不敵將示以至誠或請以五百
騎從亦不聽卽傳呼令公來敵皆持滿待徐隨數十騎出免胄
見其大酋問諸君安乎久同忠誠何至於此酋咸捨兵下馬拜

曰果吾父也。卽召與飲。遣之。錦綵結誓如初。因說以本國與吐蕃甥舅至親。無故爲逆。若倒戈乘之。特爲甚。舅在野。畜物方數百里。皆天賜。不可以失。回紇又聞懷恩暴死。患無所統。遂許諾。遣首領石野那等從入朝。吐蕃知其謀。夜遁。遣白元光合回紇衆追躡。大軍繼之。勝於靈臺西原。斬級五萬。俘萬人。盡還所掠士女資畜。不可勝計。來朝加實封二百戶。復還河中。自是吐蕃累寇澤州并靈武。敗之於涇陽。奉天之間。時譏馬璘孤軍在邠。徙之涇陽。命子儀兼邠原。度使移鎮邠州。大曆九年。入朝。對延英。上言。朔方國之北門。西禦羌戎。北虞獫狁。戰士十萬。馬三萬匹。僅支一隅。禍亂以來。東征西討。士無寧歲。頃遭懷恩傷殘。又亡三分之二。今吐蕃兼吞河隴。雜羌渾之衆。歲入郊畿。勢踰十倍。臣所統士不當賊四之一。馬不當百之二。臣惟

今日兵非不足但簡練不至進退未一時淹師老地廣勢分願
陛下更詢讜議慎擇名將抽諸道精卒合四五萬列屯北邊其
兩河江淮大小鎮兵虛彈庫給未經教閱請追赴關中閑習武
藝令知戰勝攻取之法如臣衰老願避賢路不許德宗嗣位詔
攝冢宰充山陵使賜號尚父進太尉中書令增實封通前二千
戶給千五百人糧馬芻二百匹盡罷所領使納帥節建中二年
疾病詔遣舒王至第省問薨年八十五帝悼痛廢朝五日詔羣
臣往弔贈太師陪塋建陵帝御安福門哭過其喪百官陪位謚
曰忠武詔配饗代宗廟廷增例崇丈八尺特增丈以表元功爲
人事上誠御下恕賞罰必信每降城下邑所至之處輒得士心
握兵處外無纖芥顧望一聞詔命卽日引逆屢陷敵圍竟免於
難前後遭權倖忌害卒不得行朝恩至使人發其父墓入朝中

外懼有變帝亦信之引以自咎。地言臣不能禁士殘人之
墓。今天譴不孝非人所爲。朝恩出錢收萬列宴私第元載告以
將謀不利甲者願從不聽。獨以家僮十數往朝恩反誣語以所
附泣曰非公長者能無致疑。田承嗣嘗因其使至西望拜曰茲
膝不屈于人久矣。李靈耀據汴州遇絕公私財賦獨于饑封幣
道其境不敢留持兵衛送麾下。李愼光常讓光汴城宿將數十
皆位王侯聽其願指進退無所。趙起幕府願官前後六十餘員
歲入官俸二十四萬私利不預宅居親仁里四分之一中通永
巷家衆三千出入不知其處。賜與良田美器名園甲館不可勝
紀。帝嘗不名呼爲大臣。天下以身爲安危者二十餘年。校中書
令考二十四人子七皆皆列于朝。諸孫不能盡識。日進問安頷
之而已。惟以譴怒誣奏判官張譚杖殺之時。稱其薄弟幼明性

謹愿無過喜賓客終少府監贈太子太傅 子暉性孝友沈靜
資貌瑰傑留治家自處儉朴庭無間言累辟藩府以功爲開陽
府果毅都尉至德初蔭授衛尉卿進太子詹事封太原郡公父
卒襲代國公加太子少保分所食二千戶與弟暉曖暉人二
百五十戶未幾復各減五十戶封其子鋒暉子鐸等各百戶遺
命上四朝所賜名馬珍物德宗復以賜悉散諸弟居喪以禮雖
病不敢茹葷後盧杞忌勳族姦人多論奪田宅奴婢將太僕趙
縱少府李洞清光祿王宰以次得罪暉大恐賴宰相張鎰保護
乃全卒贈太子太傅諡曰孝 暉善騎射累從征伐復兩京進
鴻臚卿父誅河中首惡支黨猶懷戒懼選親兵晝夜防警以備
非常奸人不得發以功拜殿中監懷恩之亂加御史中丞領朔
方軍援邠州與馬璘合擊破之虜復陣涇水北遣率步兵五千

騎五百襲之。慮兵寡，須暮賊半濟，乃擊斬首五千，級加御史大夫。父固讓止之，俄進左散騎常侍，歷工部尚書。朱泚亂，方居父喪，南走山谷，賊昇致欲汙以官，佯瘖不答，露兵脅之，亦不動。數以城中事貽書李晟，遂奔奉天。駕還，改太子賓客，累封趙國公，卒，贈兵部尚書。昭代宗朝，累官司農卿。建中三年，爲舒王誼大元帥府都押衙檢校左庶子。從憲宗幸山南，轉太府卿。與功臣子李昇、韋清、令狐建等更挾帝馬以行，時以路險且虞姦變，各願竭忠。帝嘉之，還京拜左金吾大將軍，終邠國公。昕肅宗末，爲四鎮留後，阻絕十五年。至建中二年，始與伊西北廷節度使曹令忠遣使入朝。德宗嘉之，詔加令忠北廷大都護，四鎮節度留後賜姓名李元忠。昕安西大都護、四鎮節度使諸將吏皆超七資叙官。

冊曰古稱大將功名實多。貴以大義人百其那用濟苦言

語見弘道錄懷恩自訛二豎終凶諸叛鏡磨仗我一誠服彼衆

魔。又曰萬骨既枯一將成功孰能艾後况以考終五福

兼全天寶祐公試觀前後誰與比同

李光弼營州柳城人其先本契丹酋長父楷洛武后時入朝累
官左羽林大將軍開元初爲朔方節度副使封薊國公吐蕃寇
河源率精兵擊走之師還卒于道贈營州都督謚曰忠烈光弼
幼時持節行讀書執禮父憂終喪不入妻室及長善騎射嚴毅
沉果有大畧起家左親衛郎中天寶初遷左清道率兼安北都
虞侯河西王忠嗣厚遇之補行軍司馬充赤水軍使許以異時
必爲名將俄襲父封以破土谷渾功進雲麾將軍單于副都護
安思順表朔方副使知留後事愛其才欲妻以女辭疾不從初

與子儀俱爲牙門都將心不相能雖同飲食常睚眦不交一語
及子儀代思順光弼欲亡去計未決入見自言一死固甘乞免
妻子子儀趨下持手上堂涕泣相勉祿山亂哥舒翰奏還京師
玄宗求良將可任河北河東事者子儀薦其能詔攝御史大夫
持節河東節度副大使兼雲中太守尋改魏郡守充河北採訪
使領朔方兵出土門東收常山次真定常山子弟執安思義降
得而不殺問以計答曰敵兵銳弗能持重今軍行疲勞逢敵
不可支不如按軍入守料勝而出圖之萬全光弼曰善據城以
待時露背蔽野酹而哭之出爲賊幽閉者厚卹其家思明兵至
射以勁弩徙陣稍北光弼出其南夾渚沱而軍歛旌息鼓伺其
方飯羹殺且盡懼而引去以奇兵斷其饒路悉衆東出井陘與
子儀合擊思明大敗走趙郡希德走鉅鹿遂收藁城等十餘縣

進攻趙拔之坐譙門禁士由涼城中大悅於是景城河間信都
清河平原博平六郡結營自守以附光弼進圍博陵未下復合
子儀擊思明於常山郡之嘉山又大破之詔加范陽長史兼節
度使欲先取賊巢穴會潼關失守乃拔軍入井陘肅宗詔赴靈
武更授戶部尚書同中書門下平章事兼太原尹北京留守監
軍御史崔衆以前使王承業敗弛謬每狎侮之及是慢易如舊
不卽付兵光弼怒收衆斬之威震三軍至德二載思明希德高
秀巖牛廷玠等兵十萬來攻太原時銳兵悉赴朔方麾下懦卒
不滿萬乃撤民屋爲車運礮石投賊所及輒死傷賊十二復穿
地道取賊城外詭傷者賊移營于遠陽爲約降伺其近城鼓譟
突出俘斬萬計思明知不可拔引去希德攻之月餘懦兵氣奮
乘其怠惰亟出大破之斬首七萬級亦委資糧而遁又收清冀

橫野等軍擒別將李弘義以歸加檢校司徒遷司空封鄭國公
食實戶八百乾元元年入朝詔朝官四品以上郊迎進兼侍中
與九節度圍相州大戰鄴西敗之以乏統帥進退山已無所稟
承自冬徂春竟未破賊但引漳水以灌其城明年二月思明自
將范陽精兵來援拒戰尤力殺畧大當屬大風晦冥諸將各引
退王師南潰所在剽掠獨光弼整衆還太原遂代子儀爲朔方
節度充天下兵馬副元帥以河東騎五百夜入其軍號令一新
左廂兵馬使張用濟憚其嚴與諸將頗有異議待其入謁斬之
代以辛京果將數千騎出次汜水縣都兵馬使僕固懷恩懼先
期而至光弼次汴州聞許叔冀降思明乘勝西嚮乃鼓陣徐行
趨東京與留守韋陟謀賊方新勝難與爭鋒欲屈之以計奈無
見糧危偏難守不如移軍河陽北阻澤潞勝則出敗則守表裏

應賊不得西此猿臂勢也判官韋損言東都帝宅何不守之
答曰汜水崕嶺盡爲賊蹊何能盡守遂檄河南官吏避賊身率
五百騎殿開無留人思明至偃師光弼悉軍趨河陽賊遊騎已
抵洛城我兵方至石橋會日暮持炬徐行與賊相隨而不敢逼
乙夜入三城排闥守備號令嚴明與士卒均甘苦咸願力戰賊
憚威器未敢犯宮闕頓白馬祠治塹築是踰月來攻與戰中渾
城內大破之斬首千級溺死甚衆生執五千南城守將李抱玉
敗賊帥周摯復攻中渾荔非元禮又敗之賊潰併與安太清攻
北城光弼登陴望見彼軍雖銳而糧不足虞也口中當礮及期
未決召諸將問賊陣何所最堅曰西北隅召郝廷玉加騎兵三
百令曰爲我破之復問其次曰東南隅召論惟貞益以鐵騎二
百出賜馬分給二人自以刀納韉中有決死之志執大旗令望

吾三麾至地諸軍畢入生死以之旣而廷玉軍不能前趨左右
取其首來廷玉曰馬中矢非却也乃命易他馬有裨將援矛刺
賊洞馬腹中數人賜以絹諸軍爭奮賊衆奔敗斬首萬餘級俘
人馬萬軍資器械億萬計禽周欒徐璜王李泰授惟太清走保
懷州思明未知猶攻南城示以所俘始大懼築壘自固光弼西
向拜舞三軍感動上元元年加太尉中書令進圍懷州思明來
救迎戰于沁水之上又敗之光弼壁野水渡旣夕還軍留牙將
雍希顥守營令曰賊將高暉李日越萬人敵也必使刼我爾留
此賊至勿與戰若降與偕來至暮日越果以鐵騎五百至聞已
去謂其下曰我受命取大將不爾無還今顧獲希顥歸不免死
遂降表授特進兼右金吾衛大將軍暉聞之亦降皆如所料諸
軍決丹水灌懷州未下令廷玉由地道入王師乘城禽安太清

楊希仲送京師獻俘太廟加實戶一千五百魚。朝恩信賊間語云：將士皆北人，謳吟思歸，屢上滅賊狀。光弼爭言：賊方銳，未可輕動。會懷恩亦害其功，潛附朝恩言：賊可滅。上遣中使督戰，不得已進軍。印山北，懷恩請陣諸原。光弼謂：不如據險。懷恩不從。賊據高原，設伏，委物僞遁。官軍爭剽，獲伏發，大潰。懷州復陷，抱玉亦棄河陽。光弼渡河，保聞喜，抗表請罪。帝以懷恩違令覆軍，不罪。優詔徵朝恩，讓太尉。副元帥更開府，餞同三司晉絳二州節度使。未幾，復舊令。知河南、淮東、西山、南、東、荆、南五道節度行營事。帝賦詩以餞，興疾就道。出賊不意，疾驅入徐州。時朝義乘勝進畧申、光等十三州，而自領精騎圍李岑於宋州。使田神功擊走之。神功初平劉展，逗留淮南，尚衡殷仲卿相攻于兗。鄆來瑱、族拒于襄陽。至是皆服，相繼立功，并赴闕。其爲諸將所憚類。

此寶應元年進封臨淮郡王以破浙東賊袁晁功增實戶二千
與一子三品階賜鐵券名藏太廟圖形凌烟閣初恩與程元振
深忌嫉之日謀譏間諸將郝廷玉等陰懷去就多不稟命患忿
成疾適吐蕃寇京師徵入救援懼禍遷延不至帝幸陝還拜東
都留守察其去就頒詔未至且往徐州收賦自給帝遣中使臨
問又令子儀自河中輦繼母李氏還京以弟光進爲太子太保
以慰安之二年病篤遂薨年五十七贈太保謚武穆翌朝三日
遣使監護喪事弔卹其母封韓國太夫人詔百官送葬延平門
外生平不起戎鹵不素染中國禮義而能事母以孝與弟友愛
遭時變故授任兵柄料敵制勝謀定後戰常以少覆衆師行嚴
整賞信罰明士卒爭奮毅然有古良將風天下服其威名與郭
子儀等共與相代營壘士卒麾幟一無所更而經其號令氣色

益自精明故世稱郭李 子彙幼有志操廉介自將初從賈耽
爲裨將奏兼御史大夫元和初分徐州符離爲宿州以光弼有
遺愛擢爲刺史遷涇原節度使罷軍中雜徭出俸錢贖將士質
賈子還其家卒贈工部尚書 弟光進字太應繼母所出初爲
坊官裨將兵敗獲宥代宗進御史大夫封涼國公自至德後與
李輔國並掌禁兵委以心膂兄被讒出爲渭北邠寧節度使永
泰初封武威郡王卒 麾下荔非元禮起裨將累御史中丞從
守河陽光弼方壁中渾周摯間之遂捨南城併力來攻光弼使
元禮守羊馬城植小旗城東北隅望摯軍摯恃衆直逼城以車
載木爲撞車麾兵與塹入道並進光弼讓以何爲賊過不顧元
禮問公方欲守耶戰耶光弼曰戰然則賊爲我實塹何讓焉謝
曰吾慮不及公勉之元禮遂出戰視敵堅未可以馳還軍示弱

以伺其怠。光弼望見，遣使召之。顧麾下曰：「公來召，殆欲斬我。」死有名，無庸愛。乃下馬持刀，瞋目直前，銳士堵而進。左右奮一皆當，遂斬賊數百首，擊遁去。以功遷驃騎大將軍，代李嗣業爲懷州刺史，知鎮西北庭行營節度使。上元二年，徙軍翼城，聞光弼兵敗爲麾下所害。邾廷玉，驍勇，善格鬪，爲光弼愛。將以爲孫，張王功加開府儀同三司、武太常卿，封安邊郡王。從光弼鎮徐州，德後代宗授神策將軍，吐蕃犯京畿，與馬璘屯中渭橋，魚朝恩問其善布陣，請觀之，乃申號令，鳴鼓角，部伍坐作，進退齊一。朝恩嘆曰：「吾處兵間久，今始識訓練法。」廷玉惻然曰：「此非某所能，乃臨淮王遺法也。」王每校旗，不如令者輒斬。故人皆自効，赴蹈死，突心破膽裂。自王歿，無復校旗事。此安足貴哉。後爲河南王，都知兵馬使，至秦州刺史，卒，贈工部尚書。李

國臣河西人本姓安力能挾關以折衝從收魚海王城遷中郎將後爲朔方將積勞擢雲麾大將軍賜今姓從守河陽累封臨川郡王大曆八年爲鹽州刺史吐蕃敗沮城於黃蕃原將畧汧隴國臣謂人曰敵乘勝必擾京師我若趨秦原彼當反顧乃引兵登安樂山鳴鼓而西日行三十里吐蕃聞之自百里城回軍踰險城因擊敗之卒贈揚州大都督 白孝德安西胡人爲偏裨驍悍有膽力思明攻河陽使驍將劉龍仙挑戰加右足馬箭上嫚罵光弼顧諸將取之懷恩請行止曰是非大將所宜乃撫孝德背令以五十騎進孝德擁二矛攬輦便辟絕河半濟懷恩賀曰事克矣保可萬全龍仙易之罵不止瞋曰賊識我乎躍馬前搏城上因大譟五十騎繼進龍仙墜隄走追斬其首以還後累功至北庭行營節度使徙邠寧懷恩引吐蕃入寇孝德擊

敗之永泰初回紇約盟吐蕃退走子儀使追之大戰赤沙烽斬獲甚衆累封昌化郡王歷檢校刑部尚書太子少傅卒贈太保

張伯儀魏州人以討袁晁功第一擢睦州刺史後爲江陵節

度使樸厚不知書然推誠遇人軍中畏肅民亦便之李希烈反

詔與賈耽張獻甫收安州戰不利伯儀中流矢師却失所持節

賊迫及奮力以禦之兩刃相嚙不得下會救至免至漢水拏野

人船以達河州收散卒而還久之除右龍武統軍卒贈揚州大

都督朝廷以爲雖敗其忠可錄謚之曰恭白元光其先突厥

人父道生歷寧朔州刺史元光初隸朔方軍補節度先鋒領所

部結義營長驅從光弼出士門累遷太子詹事封南陽郡王爲

兩都遊奕使長安中率兵清宮進擊餘寇身被數創肅宗躬爲

傅藥轉衛尉卿思明攻河陽召主騎軍後歷靈武留後定遠城

使卒贈越州都督 陳利貞范陽人初爲平盧將從光弼軍河
南遣與郝廷玉救張巡見其輕騎出入武藝勝已妻之以女及
歸薦之自行間授太子賓客封靜戎郡王哥舒曜討李希烈詔
爲前鋒次刺城賊衆大集出奇兵五百橫擣其右賊鋒詘數月
不敢前及攻襄城經七十日登陴捍守未嘗櫛沐非議事不下
城朱泚反張廷芝部下合謀應泚遂出奔而利貞麾下亦從爲
亂夜半難作利貞拔劍當軍門大呼曰欲過者先殺我衆畏其
勇乃止德宗嘉之擢汝州防禦使以疽發首卒自恨不得死所
侯仲莊蔚州人爲光弼先鋒授忠武將軍禽安太清加冠軍
將軍懷恩反時爲都將訓兵自守人畏其鋒及敗于儀引爲腹
心封上谷郡王充神策京西將德宗幸奉天遷左衛將軍爲防
城使修壘堞晝夜執戈徼循從幸興元殿軍駱谷授防禦招收

使還都復鎮奉天幾二十年卒贈洪州都督 柏良器字公亮
魏州人少學擊劍以父造爲獲嘉令死祿山難後報賊仇父友
王奐爲光弼從事見之曰爾額文似臨淮王而黑子似紅平原
殆能立功乃薦之光弼授以兵平山越遷左武衛中郎將隸浙
西預平袁晁方清其後潘獬虎胡參分據小傷蒸里又擊破之
年二十四更戰陣六十二季希烈圍寧陵命良器往救擲弩手
善游者沿汴渠夜入及旦賊乘城伏弩發皆死錄功封平原郡
王入知左神策軍事圖形凌神終季實士贈大將軍贈陝州
大都督子首 烏承珙字德潤張掖人開元中與族兄承恩皆
爲平盧先鋒沉勇有決斷號幟門二龍獎并可突于殺其王邵
固降突厥而奚亦亂其王魯蘊率族屬及邵固妻子白歸詔承
珙擊之破于捺祿山言於節度使趙含章二豎本劇賊前日戰

而北非畏我乃誘我也公宜奮銳以折其謀舍章不信後賊白
城果大敗承珙獨按陣出其右斬首萬計可突于奔北渤海大
武藝與弟門藝來奔詔發范陽新羅兵十萬討之無功武藝遣
客刺門藝于東都引兵至馬都山屠城邑承珙窒要路壅以大
石亘四百里賊不得入流民得還士少休脫鎧而耕歲省度支
運錢始承恩爲冀州刺史失守思明護送東都肅宗使自雲中
趙幽州間說思明與承珙謀殺之不能死承珙來奔光弼
表爲冠軍將軍封昌化郡王轉石嶺軍使王思禮爲節度使軍
政倚辦焉久之移疾還京師卒年九十六子重胤

册曰臨淮肇興卓有至性韓白匪倫孫吳墮行耽書好古
不專制勝蔽于口舌遭時不幸畏心一生遷延無定卒以
憂終豈曰天命所以汾陽朝聞夕馳

李嗣業高陵人長七尺膂力絕衆開元中從安西都護來曜討
十姓蘓祿先登捕鹵累功署昭武校尉用陌刀每戰必爲先
鋒所嚮摧北馬靈晉出戰必與俱高仙芝討勃律與中郎將田
珍並爲左右陌刀將時吐蕃兵十萬屯娑勒城據山瀕水聯木
作郭以扼王師仙芝潛軍夜濟信國河令曰及午破賊不者皆
死嗣業提步士升山四面擊賊又樹大旗先走險諸將從之賊
不虞軍至因大潰投崖谷死者十八鼓而驅至勃律擒其主平
之授右威衛將軍從平石國及突騎施以跳盪先鋒加特進敵
號爲神通大將初仙芝特以計襲取石國其子出奔因構諸蕃
以告大食連兵攻四鎮仙芝率兵二萬深入爲大食所敗事急
嗣業謀曰將軍深入賊境後援旣絕而大食乘勝諸賊銳于鬪
我與將軍俱死尚誰報朝廷者不如守白石嶺以爲後計仙芝

曰吾方收合餘燼明日復戰嗣業曰事去矣不可坐須蒞臨卽馳守白石會拔汗那還輜餉塞道不可勝嗣業懼追及手挺鑿擊人馬斃仆者數百賊駭走仙芝乃得還表嗣業功進右金吾大將軍留爲疏勒鎮使城一隅地屢築輒壞嗣業祈之有白龍地因其處叢祠以祭城遂堅漢耿恭故井久涸禱已泉復山初討勃律時通道葱嶺有大石塞隘以足蹙抵穿壑誠者以爲至誠所感天寶十二載加驃騎大將軍入朝賜宴酒醉起舞帝寵之賜練血錢物爲解醒具聞詔討祿山自安西卽日引道與諸將制臂盟所過郡縣秋毫不犯謁帝鳳翔大喜拜爲先鋒將與子儀懷恩倚角恒持巨格以聞賊輒崩潰進四鎮北庭行軍兵馬使從收長安令純前軍賊首李歸仁挑戰王師逐之賊大出掩擊我師陣亂嗣業語子儀事急矣若不陷萬死取一生則軍

無噍類。卽而大呼。持長刀出陣前。殺數十人。陣復整。部下二千皆陷刀柯斧如堵而進。所向無敵。復與回紇葉護太子合勢。擊賊伏兵。遁出城背。賊與淵望死者幾半。官軍至陝西。又與子儀遇賊于新店。力戰數合。我師初勝。後敗。急相應。接與回紇表裏。齊進。賊走河北。兩京平。諡功加開府儀同三司。衛尉卿。封魏國公。實封戶二百。兼懷州刺史。北庭行營節度使。同州相州諸將無功。獨嗣業被堅數奮衝突。肩刃中流矢。陝方愈。忽聞賊賊。愁思岡大。呼創流血。流數升。卒。上聞之。驚悼。贈武威郡王。諡曰忠勇。生平憂國忠義。不計居產。前後賞賜皆上于官。以助軍。子佐國。襲爵。歷丹王府長史。卒。推嗣業功。贈宋州刺史。

馬璘扶風人。祖正會。右威衛將軍。父晟。右司禦率府兵曹參軍。璘少孤。不知學。年二十始奮發。武幹絕倫。開元末。扶策從安西。弘簡錄

節度府以少擊衆遂建奇勞累遷金吾衛將軍至德初王室多難忠勇自奮統精甲三千自北庭赴鳳翔委以東討殄寇陝郊破賊河陽皆立殊効李光弼拒史朝義陣北邛山諸將貽愕未敢進璘率部士五百出入賊陣三反光弼壯之曰吾用兵三十年未見雄捷如馬將軍者遷試太常卿吐蕃寇邊命授河西懷恩叛引還問關轉鬪至鳳翔吐蕃圍城節度孫志直嬰守璘突入縣門不解甲卽出戰背城而陣賊潰率輕騎追之斬數千級漂血丹渠雄名益振代宗還引見慰勞擢兼御史大夫永泰初拜四鎮行營節度南道和蕃使委之禁旅卽清殘寇俄檢校工部尚書充北庭行營節度使繕屯壁爲戰守具令肅不殘人樂爲用敵不敢犯爲中興銳將有卒元日犯盜恐人伺隙命戮之早撤土龍巫禱費躬修政已而大雨歲反大穰在涇八年

以州逼西戎歲犯郊境移鎮涇原兼權鳳翔隴右節度副使復以鄭頴二州隸之生平詞氣慷慨以破賊爲已任大曆八年吐蕃內寇渾瑊戰宜祿不利瑊設伏潘原與瑊合擊破之前後俘斬數萬進檢校右僕射賞賜無算治第京師尤爲宏侈明年入朝知尚書省事詔宰臣百僚送進封扶風郡王卒於軍年五十六贈司徒謚曰武

田神功冀州南宮人本起微賤天寶末爲縣吏陷賊會河朔兵興上元初署平盧兵馬使率衆歸朝從李忠臣收滄德攻相州拒杏園後守陳留戰不勝與許叔冀復降史思明使與南德信劉從諫畧江淮遂襲德信斬之從諫脫身走并將其兵來歸詔拜鴻臚卿戰於鄭州破賊四千生擒將囚人牛馬器械不可勝計俄襲敬紘鄆州不克劉展反鄧景山引以助討入揚州衆不弘簡錄

整大掠居人商賈貲貨兼發冢墓死者不計生民受害旣而擒
展送京師遷檢校工部尚書兼御史大夫充鄆節度使時賊圍
宋州急光弼奏往救賊解去又破法子營復攻破鉅降之朝義
聞亦奔下博進封信都郡王徙河南節度汴宋八州觀察使大
曆二年來朝加檢校右僕射又判左僕射知省事加太子太師
還鎮爲人忠朴幹勇事母以孝聞始嘗驕倨自見光弼待官
屬鈞禮乃折節謙損旣而寢疾宋之將吏爲禱祈報恩八年自
力入朝卒代宗爲撤樂贈司徒詔其弟曹州刺史神玉知汴宋
留後加檢校兵部郎中兼御史中丞河陽澤潞等節度兵馬會
李承昭討田承嗣卒

李抱玉本安興貴曾孫世居河西始名重璋少從軍閑騎射沉
毅有謀小心忠謹爲光弼裨校屢戰有功耻與逆臣共宗玄宗

賜今姓名徙籍京兆舉族從之進至石碣林大將軍知軍事擢
陳鄭穎毫節度使與光弼守河陽賊帥周華領安太清徐瑋王
等先攻南城將陷絳以糧盡明日常降賊衆大喜歛兵以俟抱
玉因得繕完設備賊怒其欺急攻之抱玉更出奇兵表裏夾擊
俘殺甚衆賊乃捨去因不能西論功第一封藥城縣公代宗立
兼澤潞節度使統相衛儀邢十一州兵以功授司空兼兵部尚
書同涼國公廣德初乘輿避蕃京師南而子午等五谷羣盜徧
滿詔薛景仙招捕不克更詔抱玉兼鳳翔隴右節度使討之探
知賊帥根柢分兵先守諸谷次遣牙將李崇客自桃林虢川襲
之賊帥高玉方會諸偷遽爲精騎所掩擒獻渠首大索支黨悉
斬之不闕旬五谷平大曆二年來朝加左僕射同中書門下平
章事兼充河西隴右副元帥仍還鎮岐陽國之西門在職十餘

年禁暴安民時稱良將卒年七十四贈太保諡曰昭武從弟
抱真字太玄沉慮有斷兄帥澤潞屬以軍事授汾州別駕值僕
固懷恩反挺身歸朝代宗方憂懷恩所將朔方兵精又倚回紇
召問破賊之狀答曰懷恩欺其下妄謂郭子儀爲魚朝恩所殺
今起子儀將兵是伐其謀兵可不戰解也旣而果如其策遷殿
中少監充陳鄭澤潞節度留後願得一州自試更授澤州刺史
兼澤潞節度副使居二年徙懷州仍爲懷澤潞觀察留後凡八
年密揣山東有變地當兵衝乃籍民三丁擇一蠲其徭租給以
弓矢令閑月曹偶習射歲終大校第其能否賞罰之得卒二萬
不費官廩練習頗精天下稱昭義步兵爲諸軍冠久之擢行軍
司馬權碓邢兵馬留後德宗嗣位檢校工部尚書領昭義節度
使與馬燧李晟合神策軍救邢洛之圍敗田悅于雙岡斬其將

楊朝光以功授兵部尚書復與悅戰洹水走之進圍魏悅戰城
下大敗進右僕射聞駕幸奉天各引還屯時李希烈陷汴李納
反邠李懷光反河中抱真獨以三州外抗羣賊內輯軍士爲衆
所懼興元初檢校左僕射同中書門下平章事封倪國公進爵
義陽郡王遣客賈林以大義說王武俊使合肇朱滔武俊外雖
許諾內尚猶豫抱真將自造其壘諉軍事於司馬盧玄卿曰吾
此行繫時安危使遂不還惟部勒以聽朝命勵兵東向雪吾之
耻卽從數騎馳入見武俊曰此與希烈爭竊帝號滔攻貝州此
其志皆欲自肆于天下足下旣不能與競長雄顧捨九葉天子
而臣反寇乎且詔書罪已禹湯之心也方上暴露播越公能自
安乎因持武俊涕下交頤武俊感泣指天以誓曰此身已許公
死矣遂與結爲昆弟而別旦日合戰大破滔于經城進檢校司

空實封六百戶貞元初朝京師復還鎮天下稍無變事乃飾臺沼自娛性喜賢士雖小善皆卑辭厚幣致之晚好方士惑孫季長言丹發而卒年六十二贈太保